

Gvangjsih Swbfan Yozyen Banh Gaiq Daih-ngeih Doxdax Doeg Vahcuengh Biucinj

12 nyied 3 hauh, Gvangjsih Swbfan Yozyen Gaiq Daih-ngeih Doxdax Doeg Vahcuengh Biucinj youq Cangzgangh Yaugih gawjhengz. Miz ngeihcib haj boux siujyoz gyauyuz conhyez Cuengh Gun song vabsaw fuengyiengq doengzhag ginggvaq genjleh, camgya baez doxdax neix.

Aen doxdax neix, gyoengq doengzhag ndangdaenj buhvaq minzcuz, bak doeg Vahcuengh biucinj. Faenzcieng miz fwensei, sanjvwnz, gojbeij daengj, ndawde neiyungz miz goj ndawbiengz Bouxcuengh, miz gij gaisau conzduengj vwnzva Bouxcuengh, miz gij gingjsaek gyaeunde Mbanjcuengh, lij miz baenzlawz gvaq saedcej caeuq ciuhvunz singjrox daengj. Ginggvaq haenqrem doxdax le, 2016 gaep Cuengh Gun song vabsaw conhyez 3 ban

Vangz Cingvwnz doeg《Seizcin》Vahcuengh biucinj, gamjcingz naekgywg, daihfueng swhyienz, dued ndaej daengx hoihciengz ceiq sang 98.32 faen.

Baez hozdueng neix dwg Gvangjsih Swbfan Yozyen genjniemh hagseng siujyoz gyauyuz conhyez Cuengh Gun song vabsaw fuengyiengq hagsib Vahcuengh biucinj, hix dwg aen laex soengq hawj swcigih laebbaenz 60 hopbi.

(Yungz Liswh/熊利思 Vangz Li/黄莉 Huz Cing/胡静 Moz Lanzlanz/莫兰岚 Cingz Lingz/陈灵 Luz Yozdingz/卢学婷)

► Vahcuengh biucinj doxdax yienhciengz.



▲ Senjsouj yunghsim sijcih.

Liujcouh: Banh Gaiq Daih 'it Boux-coz Nyezhung Doxdax Sijcih Fazci

Ngoenz gonq, Liujcouh Si banh aeu “Yenfaz youq ndawsim gou Fazliz buenx gou hungmaj” guh cawjdaez bouxcoz nyezhung yienhciengz doxdax sijcih fazci, 150 boux senjsouj daj daengx si 10 aen yienh daeuj haenx comz youq Liujcouh Si Vwnzmyau gaem bit sij gawqvah okmingz fazci, aeu gij fuengsik gagdog haenx hagsib Yenfaz fazliz cihsiz.

Ciuq cam rox, mbat doxdax neix daj 11 nyied 6 hauh couh hainduj lo, daengx si miz 454 fuk cozbij camgya doxdax haenx youq gwnz bingzdaiz vangjloz guh le yawh doxdax, ginggvaq fueng cawjbanh genjleh miz 150 fuk cozbij sijcih guh gietsaiq. Gietsaiq dangngoenz, boux senjsouj hopheux fazci neiyungz yienhciengz sijcih, gyau cozbij hwnjbae le caiq youz canghsijcih yienhciengz bingzbeij, yienhciengz gunghbu gezgoj. Doeklaeng bingz ok cuj siujyoz it daengj ciengj 3 boux, cuj cuhcungh it daengj ciengj 2 boux, cuj gauhcungh it daengj ciengj 1 boux.

(Fu Yungjsinh/傅永新 Veiz Cinhu/韦珍珠)

Liujcwngz: Banh Hoihyindung Denzging Cung Siuj Hagseng

12 nyied 4 hauh, Liujcwngz Yen daih 21 gaiq hoihyindung denzging cung siuj hagseng youq Liujcwngz Cunghyoz haimuq, gungh miz 32 aen hagdangz cuhcungh, siujyoz daj ndaw yienh daeuj, miz 628 boux yindungyenz cung siuj hagseng camgya. Gungh guh doxdax 3 ngoenz, miz cuj cuhcungh caeuq cuj siujyoz, miz buetdinj, buetraezgyang, diuqsang, diuqgyae daengj 12 aen hanghmoeg doxdax.

(Bungz Ningzcin/彭宁进)



▲ Doxdax yienhciengz.

Gunghcwngz: Fouxcauh Gyongraez Yauzcuz Fouxok Saedcej Vuenyungz



▲ Fouxok saedcej vuenyungz.

Geij bi neix daeuj, Gunghcwngz Yauzcuz Swciyen yawjnaek minzcuz vwnzva swncienz caeuq haivat, dawz minzcuz vwnzva yungz haeuj daengz yangh cin, segih, ndawhag caeuq ndaw mbanj, caeuq minzsuzyouz doxgap, ndaej miz ginghci yauqik youh ndaej daezsang Yauzcuz vunzlai cingsaenz fungmauh gaenxmaenx doxhwnj.

Ciuq cam rox, dangqnaej aen yienh neix gaenq miz 12 aen hanghmoeg lied haeuj mingzloeg si gaep feihvuzciz vwnzva yizcanj.

(Vangz Swhcang/王滋创 Liengz Veih/梁辉)